



Inatsisartut Suleriaasiat § 37 imm. 1 najoqqutaralugu Naalakkersuisunut ima apeqquteqarpunga.

Naalakkersuisunut apeqqut;

- 1. Naalakkersuisut qaqugu Kangerlussuarmi innuttaasunut Nuummi mittarfik 2024-mi atulerpat Kangerlussuup siunissaa pillugu ataatsimiisitsissappat?**
- 2. Kangerlussuarmut tunngatillugu suleqatigiissitat nalunaarusiartik qaqugu saqqum-miutissavaat?**
- 3. Oxford Global Projectip nalunaarusiaata innersuutai tunngavigalugit Naalakkersuisut suliniutinik sunik aallartitsiniarpat?**
 - a) Naalakkersuisut pilersaarnerlutik Oxford Global Projectip innersuussutai malissallugit?**

Tunngavilersuut:

Soorlu naluneqanngitsoq Nuummi mittarfiliorneq naammassissaaq atorneqalerlunilu 2024-mi. Manna tikillugu Kangerlussuarmi innuttaasut 470 missaanniittut nalunaarfigineqanngillat Atlantikoq qulaallugu timmisartut Kangerlussuarmut mittarunnaarpata, Nuummulli mittalerpata qanoq pineqassanersut, tassami timmisartut Kangerlussuarmut mittarneri inuussutissarsiornermut qitiulluinnarmat aamma sulisut ilaqutaasalu aningaasarsiorfigimmassuk. Innuttaasut siunissami qanoq pineqarnissartik paasissallugu pisariaqartippaat pilersaarusiorniassagamik.

Naalakkersuisut Inatsisartuni ilaasortamut Emanuel Nukomut 17. maj 2022-mi akissumminni allapput: “..Kangerlussuaq pillugu suleqatigiissitat naatsorsuutigaat Kangerlussuup siunissaa pillugu Qeqqata Kommunia peqatigalugu suliarfik naammassissagaat 2022 qiteqqutsinnagu”. Suleqatigiissitap nalunaarusiani suli saqqummiutinngilaa. Taamaattumik qulaani taama aperivunga nalunaarusiap inaarnissaanut sumut killittoqarnera paasiniarlugu, tassami Nuummi mittarfissap naammassinissaanut ukiut marluinnanngormata.



Naleraq

Siorna upernaakkut Oxford Global Projectip nalunaarusiani Namminersorlutik Oqartussat Qeqqata Komminia suleqatigalugu inassutaat, Sisimiut Kangerlussuullu akornanni aqquserniornissamik suliniutip navianassusaa pillugu nalilersuineq arlaannaanulluunniit attuumassuteqanngitsoq.

[SISIMIUT-KANGERLUSSUAQ AQQUSERNIORNISSAMIK SULINIUTIP](#)

[NAVIANASSUSAA PILLUGU NALILERSUINEQ \(Qeqqata.gl\)](#)

Ullut suliffiit qulit qaangiutsinnagit akineqarusuppunga.